

АСКАР
САҚИЯСИ

ХАРБИЙ ПОСТААГИ ОЛИШУВ

Объектни қўриқлаётган соқчи - Аброр Бердикуловга босқинчилик ниятида тунда ҳужум уюштирилди.

Бу воқеа шу йилнинг бошида содир бўлди. Кечга бориб ёмғир аралаш қор ёға бошлади. Маълумки, бундай пайтда узоқни кўриш масофаси қисқаради. Демак, сергакликни ошириш керак. Курол-аслаҳа ва ўқ-дори омборини қўриқлаётган оддий аскар Аброр Бердикуловга бу ҳақда кўп бор тайинлашди.


Ўрин алмашиш муддати яқинлашиб қолганда оддий аскар А. Бердикулов қоровулхонага ҳисобот беришга чоғланди. Шу пайт орқа томондан қадам товуши эшитилгандай бўлди. Ким экан дея қарашга улгурмади. Бошидаги каскага қаттиқ нарса билан урилган кучли зарбадан кўзлари олдида яшин чақнагандек бўлди. Аскарлар йўқлама қилиниб, ухлаганга ижозат берилмади вақтда ўз қора ниятларини амалга оширишни мўлжаллаган тунги босқинчилар режаси осонликча рўёбга чиқмади. Миллий кураш бўйича разрядли спортчи, қўл жанги ҳадисини олган полвон йигит хушини йўқотмади. Автомат қўноғи билан уриб, биттасини қулатмоқчи эди, унинг шериги Аброрнинг автоматига ёпишди. Соқчи учун бирдан-бир чора - ўқ отиб, мадад кучи чақирди эди. Аммо босқинчилар Аброрни йиқитиб, автоматга жойланган ўқ-дорини ҳамда найза пичоғини тортиб олишди. Автоматни осонликча тортиб ололмадиларига кўзлари етгач, унинг чап қўлига пичоқ санчишди.

Аброр барибир автоматни қўйиб юбравермагач, унинг қўлини жиноятчи пичоғи яна жароҳатлади. Постга зирхли нимча кийиб келган соқчи бор кучини тўплаб, ўрнидан туришга ҳаракат қилган пайтда босқинчилардан бири қаттиқ нарса билан унинг бошига иккинчи бор урди.

Яна санокли дақиқалардан кейин, бундан ҳам даҳшатли воқеа рўй бериши аниқ эди. Буни билган Аброр сўнги чорани қўлаб: "... Постга ҳужум бўлди. Ёрдамга!" деб овозининг борича қичқирди. Бундан саросимага тушган ёвуз ниятдилар секин қоча бошлашди. Босқинчилар қўлидан бўшаган соқчи сумкачадаги иккинчи ўқдонни автоматга жойлаб, осмонга ўқ узди. Улар тўхтамагач, қуролини қароқчилар томонга тўғрилаб тепкини босди...

Ёвуз ниятли босқинчилар билан бўлган тенгсиз олишувда мардлик, матонат ва жасорат кўрсатиб, яраланган жасур Ватан ҳимоячиси ҳарбий госпиталга ётқизилди.

Самарқанд вилоятининг Челақ тумани мудофаа ишлари бўлими томонидан ўтган йили кузда Куролли кучлар сафига чақирилган оддий аскар Аброр Бердикуловнинг бу жасорати муносиб тақдирланди. Ўзбекистон Республикасининг Мудофаа вазири, генерал-лей-



тенант Ҳикматулла Турсунов воқеа содир бўлган куни эртасига эрталабдан ушбу қисмда ва оддий аскар А. Бердикулов даволанаётган ҳарбий госпиталда бўлиб, до-вюррак аскар йигитни қаҳрамонлиги билан кутлади.

Юртбошимиз Ислоҳ Каримовнинг "Бугунги кунда ҳарбий сафларга мустақиллик йилларида шаклланди" деган сўзлари билан ҳамма ҳам ҳарбий бурчни чуқур англаш, агар лозим бўлса, Ватан ҳимояси учун жон фидо этишга тайёрлик каби олижаноб фазилатлар ажратиб туради. Армиямизнинг минг-минглаб йигитлар учун чинакам мардлик, фидойилик, ҳақиқий ватанпарварлик мактаби бўлиб қолгани қувонарлидир" деганларида Аброр Бердикуловдек азамат посбонларни назарда тутганлари шубҳасиздир.

Подполковник
Худойназар ЖУМАНАЗАРОВ,
ҳарбий журналист

Танк командири Шерзод Абдуллаевни ўзбекистоннинг жасур, довюррак, мард ўғлонларидан бири десак, асло адашмаймиз. У Андижон туманидан ҳарбий хизматга чақирилган. Қишқи ўқув машғулотида Шерзод командирлик қилаётган танк экипажи жанговар топшириқларни аъло даражада бажармоқда. Яъни билдирилаётган ишонччи шараф билан оқламоқда.

Ватан ҳимоячилари кунда сержант Шерзод Абдуллаевга қисм командирининг

ЎЗБЕКНИНГ ШЕРЗОДАРИ

ташаккурномаси эълон қилинди. Шерзод экипаждаги елкадошлари -- мўлжалга олувчи оператор оддий аскар Аъло Камолов, механик ҳайдовчи оддий аскар Адҳам Йўлдошевлар билан бу кутлуғ санага тўхфа ҳозирлашга қарор қилишганди. Уларнинг эзгу ниятлари амалга ошди: взводда энг юқори кўрсаткичга эга бўлганлар қаторидан ўрин олдилар. Танк командири эса рағбатга муносиб топилди.

-- Қишқи ўқув мавсумида масъулиятли вазифалар янада кўпаяди, -- дейди Шерзод Абдуллаев. -- Полигонда бўлиб, тез-тез жанговар машқларни бажаряпмиз. Жанговар машқларда танкни бошқариш, ундан нишонга отишни ўрганиш бизни янада тобламоқда. Ҳарбий хизмат даврида туғилган дўстлик ришталари ҳеч қачон узилмайди, деб эшитганман. Бу гапнинг ҳам ҳақиқатга нечоғли яқинлигини ўз ҳаётимда кўриб турибман. Сержантлар -- Аскар Азимов ва Ислоҳ Имомов, оддий аскар Баҳром Имомалиев каби дўстларимни бир кун кўрмасам, ниманидир йўқотгандек бўлавераман.

Танк паст-баландликлардан ошиб, тўсиқлардан айланиб ўтиб, олдинга томон ҳаракат қилади. "Баракалла, азаматлар", -- дейди шогирдларининг ўқув машқларини кузатиб турган командир. Машқни тугатиб, ортга қайтаётган танкни улоқ олган тулпорга қиёслагим келади.

КИНОЛОГЛАР БЎЛИНМАСИДА

Ёмғир шивирлаб ёғмоқда. Машина деразасининг сал очик ойнасидан ичкарига ёпирилган нам ҳаводан симираман: "Баҳорнинг ҳиди келяпти". Хаёл узоқ-узоқларга олиб кетади. Машина бир "сапчиб" тушганди, хаёллар хуркиган қушлардек учди. Шунда атрофга разм солдим ва жанговар навбатчиликда турган аскар ёнидаги қўриқчи итга кўзим тушди.

— Аслида бу гоёнинг ташаббускори ва ижрочиси прапорщик Ҳамид Бобожонов эди, — деди қўриқчилар бўлинма командири, офицер Одил Розиков. — Ҳозир у хизматни тугатиб кетган. Лекин бизда унинг шогирди прапорщик Карим Ибодов хизмат қилмоқда. Қўриқчи итларга турли хил машқларни ўргатишда шогирди ҳам устозидан қолишмаяпти.

Шунингдек, кинологлар бўлинмасидан сержантлар Баҳодир Воҳидов ва Акмал Собировларнинг хизматларини алоҳида таъкидлаган бўлардим. Уларнинг сайъ-ҳаракатлари туфайли қўриқчи итлар билан қоровуллик хизматида тураётган посбонларнинг жанговар шайлиги, хушёрлик ва сергаклиги ошмоқда.

Техник восита билан жиҳозланган объектни посбон қўриқламоқда. Унинг ёнида ўргатилган қўриқчи ит. Огоҳлантирилишига қарамай, объектларга нотаниш кимса яқинлашмоқда. У таъқиқланган зонага кирди ҳам. Шунда қоидабузарни қўриқчи ит бартараф этади. То қўриқчи посбон етиб келгунча, жиноятчининг жойидан жилишига асло йўл қўймайди. Бу қўриқчи итлар ёрдамида бажариладиган ўқув машғулотларидан бири. Самарали бажарилган машқ эса шубҳасиз, жанговар қўриқчилик пайтида ўз натижасини беради.

Командирнинг сўзларини тинглаб туриб, кинологлар бўлинмаси мазкур ҳарбий жамоанинг фахри эканлигини англадим.

Қоровулда турган посбон ва қўриқчи ит атрофга зийрак нигоҳлари билан боқмоқда. Бирон ортиқча хатти-ҳаракатни сездим, қўриқчи итнинг қулоқлари динг бўлади. Унга ҳамоҳанг посбон нигоҳи атрофни обдан "тинта" бошлайди. Мен буларни кузатиб туриб хаёл сураман. Уларнинг эса бутун уй-хаёли битта нуқтага-хушёрлик ва сергакликка жамланган. Шу боис ҳам, осмонимиз мусаффо, ҳаётимиз тинч.

КЎНГЛИМДАГИ ЁР

Салом Феруза. Хатингни олдим. Атир, янаям аниқроғи, соғинч хиди уфуриб турган мактубингни қайта-қайта ўқидим. Ҳар гал хатингни олганда хаёлга, ҳиссиётга шўнғийман. Дарҳол кўз ўнгимга қишлоғим, теракзор кўча келади. Эсингдами, жинилик қилиб, теракка сенинг исмингни уйиб ёзганимда дарахтга бе-кор озор бераёписиз, барибир ўчиб кетади дегандинг. Энди эса исмингни қалбимга ёзмақ истайман.

Қабултарлар шакли тўқилган қаштали рўмолчангни доим аскарлик либосимнинг чўнтагида олиб юраман. Балки ишонмасан. Мен сен тўхфа этган дастурмолчани қўлга бир бор олиб, сўнг жанговар машқларни бажаришга одатланганман. Жанговар машқларда эришаётган ютуқларимнинг ярми сеники.

Командиримиз доим Сизлар Ватанини, Онани, суюкли ёрни ҳимоя қилмоқдасизлар, дея руҳлантириб қўяди. Уйлашни қоламан. Мен Ватанини қанчалар суйсам, онамни, сени ҳам шунчалар яхши кўраман. Ҳарбий хизматга келиб англадим, буларнинг бари битта илдишга туташар экан.

Сен қишлоғимиздаги тўйлар ҳақида ёзибсан. Билсанг эди, бизнинг қисимимизда ҳам қанақа тантаналар бўлишини. Ёки аскарча тўй деса ҳам бўлаверади. Дастурхон нозу неъматларга тўлдирлиб, байра-

мона ош тортилади. Хонандаю создаларнинг куй-қўшиқлари эса уйнаб билладиганни ҳам, билмайдиганни ҳам рақсга тушириб юборади.

Сафдошларимдан бири мақтаниб қолди: Мен армиягача беш нафар қиз билан гаплашганман, деб. Шунда менинг жаҳлим чиқиб кетди. Унга тушунтирдим. Йигит кишида лафз бўлиши керак. Агар сен ёрингга вафо қилмасанг, онангга, Ватанингга ҳам вафо қилмайсан, деб. Менинг ягона муҳаббатим, бокира севгим сенсан, Феруз!

Мана баҳор келяпти. Демак хизматимга ҳам бир йил бўлади. Демак сен билан аҳдлашганимизга, ваъдалашганимизга ҳам бир йил тўлади. Хизматга кетаётганимда эслаб юрарсиз, деб совға қилган қаштали рўмолчанг ҳам бир йилдан бери юрагимнинг ёнгинасида.

Эртага дала-ўқув машғулотида боришимиз керак. Шунинг учун хатимга нуқта қўяпман. Қуйидаги мисралар сенга доим ҳамроҳ бўлсин.

Қиригингга қўлиб отар тонг,
Қўзларингга чўмилар юлдуз.
Юрагимда соғинч чалар бонг,
Юрагимда ухлайсан Феруз!

Салом билан аскар ёринг РУСТАМ

